

KATAKUPEKASHT TIPATSHIMUN MASHINEIKAN

Ntshent meshkinanu kanakituatak (Department of Works, Services, and Transportation) nantuenitamuat tshetshi tutakinit ussi meshkinanu tshetshi aitu pampinitshi utapana. Ne meshkinau nete tshika itimu uta Apipani nuash nete Nutapineuant. Umue kutak tsheut tapitik nete Nutapineuant uaitimutakanit meshkinau kie ne ishinikateu Phase III. Shash umue tshitshipinanu meshkinau eueueshtakant mak enitussenitakant assi nete miam uatutakant meshkinau. Ne niakituatak meshkinanu kananitussenitakanit ishinikatakanut Newfoundland and Labrador Environmental Protection Act and Canadian Environmental Assessment Act (CEAA). Nantussenimakanipant aueshishat (shishipit, nishkat, mak muakuat) nte miam tshetutakanit meshkinanu.

Katshi itisheikant mashineikan nete Department of Environment, kuet nantussenitakant tshetshi ma minuakue. Eshku eka tshissenitakant tsheissishuet nenu mashineikan katutakanat, minuat kutak tshekuan nanitussenitakanu. Ne meshkinanu kanakituatak (Department of Works, Services, and Transportation) minakanipant mashineikanu tshetshi etitu nantussenimat aueshisha miam mate (shishipa, nishka, mak muakua). Kie itakanipant tshent meshkinanu kanakituatak (Department of Works, Services, and Transportation) kutak meshkinau uitutimeku tshika nanitussenimauat aueshishat (shishipit, nishkat, mak muakuat).

Mashineikan mishekanipan tshetshi etitu minushtet kie kukuetshimakanipant auenitshent kie tan essishuet uinuau. Natakanipant nete uitshuat tshetshi kukuetshimakanit kie tshetshi uapimakanit tipan ntshent utshimauat. Ne mashineikan kamisheikant eukun umue tshekuan takunipant nete mashineikant.

- nitamuk tshekuan euauitakant
- ne kananitussenitakant assi
- nete kapimpant kanitussenitak
- tanetishit shishipat nete netussenitakant
- emamupinit uikanishimau
- etikuatshinit etat
- nipia etatinikau mak etatishit aueshishat (shishipat kie nishkat)
- tan tshipa itashut aueshishat mak nenua nipia etatinikau
- nenua etatinikau nipa tan tshipa itishut aueshishat (shishipat mak nishkat)
- eueuetishtakanit ne mashineikan

Ne aueshishat (shishipit, nishkat, mak muakuat) kananitussenimakanit nete kutak ussi meshkinau tshetutakant ishinikateu neta kamisheikant mashineikan Appendix B, ekuta neta tshipa minuau tapitakant



ne meshkinau itenitakanu. Ne kutak meshkinau tsheiapishtakant ne ishinikateu (outfitter route-meshkinau) ne ishinikatimupanit Newfoundland and Labrador Outfitters Association. Ne outfitter route kaishinikatet meshkinau apishish nantussenitakanipan tante shash nte ueshkat tshinantussenitakanipan, ne Appendix B keishinikateua nte mashineikant. Ne ussi meshkinau outfitter route kaishinikatet eukun an muk anutshish nantussenitakanipan (nete mashineikant kaishinikatet environment impact statement ekuta itishteu A13) eukuan an kakanantussenitakant. Ne Appendix B kaishinikatet ekuta uiatakant mashinekant ne kanantussenitakant meshkinau outfitter route (A13 section) kie tshekuan itishtepan.

